

Werk

Titel: Thomas Derungs

Ort: Erlangen

Jahr: 1919

PURL: https://resolver.sub.uni-goettingen.de/purl?345572629_0038|log20

Kontakt/Contact

Digizeitschriften e.V.
SUB Göttingen
Platz der Göttinger Sieben 1
37073 Göttingen

✉ info@digizeitschriften.de

- Vinavon aschi' adina
 Ha' l stoviu girar
 E cun tut fuv' ei tutina
 20 Mai ruaus d' anflar.
- Ouns svaneschan, tutenina
 Ses cavegls ein alvs,
 Enzitgei tscherch' el adina
 Che rendess el salv.
- 25 Mo in liug ch' gli la patria
 Remplazar pudess,
 Anfl' el mai sin questa tiara,
 Sch' el la revolves.
- Ed il fest el puspei meina
 30 Eu siu mauu tremblont.
 „Ge sevolv' encunter casa,
 Pauper viandont!“
- In pertratg e la speronza
 Tegnau el si dretg
 35 De pusar la stauncla membra,
 Sut patern, bien tetg.
- E siu tgau vulev' el metter,
 Giu sper ses babuns,
 Sin senterì ella fossa
 40 Sper quels cars e buus.
- E bargend crod' el per tiara,
 Arivaus el liug.
- 45 „Dulscha, cara, sontga patria!“
 Ei aunc stau siu riug.

THOMAS DERUNGS.

Poesias.

In petschen tschupi sin la fossa dil poet sursilvan Alphons Tuor.

(Nach Gasetta Romontscha, Nr. 15, 1904.)

- Dalla tuor ils zens plonschevan
 En solem serius accord,
 Quolms e spundas rebattevan
 Igl annunzi d' ina mort
 5 Arrivada gia sin l' ura
 Allas Musas prematura. —
- Sil sonteri en l' umbriva
 Della tuor dil petschen vitg
 In conduct solem arriva
 10 Cun la salma digl amitg,
 Cun tschupials d' honor ornada
 Per la viarva bein cantada.
- Alphons Tuor, tiu num resuna
 Dallas levzas de scadin,
 15 Ch' encounscha la fortuna
 Digl arcan, sublim destin,
 De fixar en poesia
 La dolur e la legria. —
- Cun amur tei sper la tgina
 20 Han las Musas salidau,
 Cun favialla zun carina
 Tes pertratgs celests dotau:
 Tia benedida plema
 Ha quels scazis mess en rema.

- | | |
|---------------------------------|-----------------------------|
| 25 Cantadurs e cantaduras | Mo sur tut vegn la regina |
| Ed il chor dils innocents | Sur las steilas tei undrar, |
| Contan uss en sontgas uras | In „Magnificat“ adina |
| Las canzuns — tes testaments! | Sas ti ussa leu cantar, |
| En „Surselva“ „flurs alpinas“ | 35 Alla Mumma benedida |
| 30 Ein sin fossa flurs carinas. | Senza macla concepida. |

In matg silla fossa da G. C. Muoth.

(Nach Annalas, S. 235, 1907.)

- Oz ina vusch cun il clom da tristezia resuna
 Tras las montognas e vals della patria grischuna:
 Giu dalla pezza alpina las Musas descendan,
 Suentar las rivas dil Rein cullas undas serendan,
 5 Sper il Calanda se ferman en chor condolent,
 Anflan en bara cuschend igl amitg excellent.
- Nieblas dunschalas, vus musas en malacurada,
 Vus cul tizun flamegiont en la dretga sbassada,
 Prest el torrent uss' stizai vossa facla morenta,
 10 Gni cun ils matgs pil tschupì de carezia ardenta,
 Viv ornament silla fossa al spert genial,
 Giest monument a nies Muoth, il poet immortal.
- Giu dal Tumbiv, il Parnass sursilvan descendidas
 Ein las Camenas tier tei sper la tgina vegnidas,
 15 Han a tiu cor regalau en masira compleina
 Quella fontauna de rimas profund' e sereina,
 Sin igl altar della patria cun sontga fervur
 Leu deponidas da tei en canzuns de valur.
- L'olma dil pievel grischun en tritezi' e legria
 20 Viva cattein palesada tier tei tuttavia
 Leu en pertratgs sco uals che descendan las spundas,
 Tscheu en accents ramurons sco dil Rein sias undas:
 Gniarva dils Grischs cun lur pugn ded itschal has undrau,
 Viarva romontscha cun gnierv de granit has cantau. —
- 25 Ora sils camps glorijs tiels campiuns en battaglia,
 Meinas el spert ils valents cun balladas de vaglia,
 En las camonas alpestras e casas grischunas
 Mein nus cun tei, ch' en humor e satira rischunas
 Novas e veglias bravuras dils pigns e dils gronds
 30 Legras e trestas nuviallas de quels e tschels onns. —